

TE HENEURAA API

NENEIHIA I ROTO I TE PIHA NENEIRAA A TE EKALESIA A IESU MESIA I TE
FEIA MO'A I TE MAU MAHANA HOPEA NEI.
PAPEETE, TAHITI, I TE MAU AVA'E ATOA.

Te hoo: E 2 farane i te matahiti.

No. 11

Novema 1936.

Mat. 30.

*E faateitei ra outou i te Fatu ra i te Mesia i roto i to outou
aau; e ia vai ineine a outou ia parau atu i te taata atoa ia ui
mai ia outou i te tiaturi i roto ia outou na, ma te maru e te au-
raro maite atu. I Petero 3: 15,*

Pororaa.

TE ani nei au i te mau Feia Mo'a no te mau Maha-
na Hopea Nei ia tura ratou i to ratou Metua i te
ao ra, no te mea, ia haapao ratou i te ture e te faaueraa, e
farii ia ratou i te haamaitairaa. E te hoê ravea faahiahia no
te faaoraa i te faaroo i te Evavelia a te Mesia, i roto i ta ou-
tou mau tamarii, teie ia, ia afaro to tatou haerea i mua i te
aro o te Atua. E mea maere mau te taata tei noaa ia'na te
ite no te mo'araa o te ohipa ta tatou e rave nei, ei Feia Mo'a
no te mau Mahana Hopea Nei, te nehenehe i te haavare ia-
na iho e te ore e aufau maitai i ta'na tufaa ahuru i te Atua.

E ore roa e tia ia'u ia haroaroa i te hoê taata te afaro ta'-
na mau raveraa e te taata nei, e te ore tura i te aro o te
Atua. Te tiaoro nei au i te mau taata atoa ia tia maitai i mua

i te aro o te Atua, te parau atu nei au e, e farii ratou i te hau e te manuia i roto i te ohipa, mai te mea ia haapao ratou, no te mea te faaî nei ratou i te hoê ture, e ia tia maitai ratou i mua i te Atua te haapîi râ ia ratou i te Evanelia, i ta ratou mau tamarii, ma te faahiahia.

Te ture no te manuia a te Feia Mo'a no te mau Mahana Hopea Nei, ma te parau faaaui e te Atua, o te aufauraa ia i te tufaa Ahuru e te ore e eia i te Atua na roto i te tufaa ahuru e te mau tusia. E te feia te haapao i te ture no te tufaa ahuru e manuia ratou, e ia parau vau e manuia, eiaha i te manuia te faitohia i te moni ana'e, noa'tu e e parau mau te reira, e feia faufaa ihoa te Feia Mo'a no te mau Mahana Hopea nei tei aufau maitai i ta ratou tufaa ahuru; te mana'o nei râ vau i te hoê mea, tei hau atu i te mau mea atoa e te faufaa rahi na te mau tane e te vahine, oia hoi, te paari raa i roto i te iteraa i te Atua, e te mana ia ora i roto i te Evanelia e ia haapîi i to tatou mau utuafare ia na reira atoa.

O te reira te faufaa tei hau atu i te maitai. E mea au a'e na'u i te pohe i roto i te veve ma te ite e, e tia i to'u utuafare ia faaite e ua haapao vau i te mau ture e te mau faaueraa a te Atua, ma tau puai atoa e ua poro vau i te Evanelia na roto i to'u oraraa, i te mau faufaa atoa o te ao nei.

Papaihia e Hebera J. GARANATA

Pereti'enî no tē Ekalesia,

Aita e mea e haere nei ma te tumu ore. Eita roa te hoê ora e haamouhia e a ore ra, e faaruehia ma te faufaa ore, a hamani taatoa hia'i oia e te Atua.



Te Mana o te **PARAU MAU.**

O te *PARAU MAU* o te niu ia no te hanahana o te taata maitai. O te tia mai ta tatou e ite nei; o te oraraa itoitou no te faatuearaa i to tatou mau oraraa e to tatou mau opuaraa; e mana ihoa te reira. E ore roa e tia ia faaite papu i te huru o te parau mau. Mai te uira ra, e tia noa ia faaitehia to'na huru no nia i to'na tupuraa. O te faa-iteraa ia o te varua, te tia i o te mafatu, te ofai tamataraa o te tia. O te *parau mau* ra o te heheuraa ia o te mana'o, e o te ravea atoa no te faatupuraa i taua mana'o ra.

Te haavare ra, o te hoê haavare tahito roa a'e i te ao nei—ua fâ mai oia i roto i te aparau raa matamua tei faaitehia mai, oia hoi te aparau raa i roto i te Ô i Edene. O te haavare ra, o te faasutiaraa i te tura no te faatupuraa i te hoê mana'oraa haavare. O te raveraa ia i te mata haavare te ore roa e au. E etaeta te *parau mau* ia'na iho, eita oia e titau i te aratai e te tia i. E mea mâtâ'u noa te mau haavare, e haere noa ratou ta pûpû mai te mau feia e mehameha noa ra. Hoê â ratou i te tahi mau taata taero ava e te tamata nei te hoê o ratou i te tapea ia ratou ia ore ia topa i raro. E hoa e e tauturu te haavare no te mau ino atoa — te ma'i aamu no te oraraa o te taata nei. Te *parau mau* ra o te viretu tahito roa a'e e vai nei; ua na mua oia i te taata nei, te ora ra oia hou te taata i ite ai e a ore ra i farii ai ia'na.

O te taata te tura no te mea e ohipa maitai, e ere ia i te taata tura mau, e taata paari ia. E tia i te hoê taata ia vai i roto i te hape, area ra te ora ra oia i te oraraa itoitou; o te taata te haavare i roto i to'na oraraa, ua ite oia i te *parau mau* e ua patoi atu. Te tia ra te tahi i ta'na e tiaturi ra, area te tahi râ, ua riro ia ei enemi no te mea ta'na i ite.

Teihea ia, i roto i te mau haapaoraa rarahi o te ao nei, te *parau mau e te hopea ra*? E mea tia ia maiti tatou i te mea ta tatou i hinaaro ma te feruri maitai, e ia ora tatou mai te au i to tatou tiaturiraa. Te manuiaraa mau o te oraraa nei, o te haavîraa ia te taata ia'na iho; e te parau faufaa roa o te iteraa ia e mea nafea oia i maitai ai e i rahi ai ta'na faufaa. E ere te uiraa rahi i roto i te oraraa nei i teie: *Eaha tau faufaa e vai nei?* teie ra te uiraa mau; *Eaha o vanu nei?* E ora rii noa iho te haavare i to'na oraraa; e ora rii noa oia no te mea te faahua parau mau nei oia, area ia ite hia oia e pohe oia. A faaapu tatou i te tura mau o tei faariro i ta tatou parau ei parau hopea mau, ei mea mo'a e ia haamoehia te reira e riro ia ei hara.

O te taata te ore e haapao maitai i ta'na ohipa e tei vaiiho pinepine i te reira, ua riro ia oia ei eia i te taime o to'na taata tupu. O te faaiteraa ia i to'na nounou, te haapao ore e te mana'o paruparu i roto i te ohipa. E parau hape ia i mua i te parau tia o te oraraa nei. O te taata tei huna noa i to'na i to'na faaroo i roto i te mohina raau, i te hepetoma taatoa, ma te tuu atu i rapae i te sabati, e ere ia oia i te taata parau mau. Te taata te ore roa e nehenehe ia taoto, maori râ ia haavarevare i to'na mana'o, e ere ia oia i te taata tura mau.

'Te mana o te *parau mau*, i roto i to'na mau tufaa teitei roa ra, ua patuhia i nia i na tumu e maha, oia hoi; te hereraa i te parau mau, te imiraa i te parau mau, te faaroo i roto i te parau mau e te raveraa i te ohipa no te parau mau. O te taata te ore e hinaaro i te mārô i te parau no to'na faaroo, no to'na mātā'u ia faaite hia mai e ua hape, aita ia to'na e tiaturiraa i to'na faaroo, maori ra te tiaturi o te taata mātā'u noa i to'na mau inoino.

Noa'tu e eaha te moni e aufauhia ua te *parau mau*, e ma-

nui
faa
I
vae
tahi
te r
M
tou
hep
te o
E
reir
noa
raa

O
te m
i teie
ru at
nu n
I r
tauhi
mai r

nuia ihoa te reira. Eita te haavare a vetahi ê e maoro i te faaino ia tatou, no te mea e faaore tatou i te reira.

Ia tapea noa tatou ia tatou iho i te raveraa i te ino, te vaere râ ia tatou i te aua tiare o to tatou oraraa, area ia apitihia ia i te tanuraa i te huero parau tia o te faatupu mai i te mau tiare nehenehe o te oraraa nei.

Mai te mea tei to outou pae te parau mau e tae noa ia outou ia haere na roto i te peho o te faaino, te haavare e te faahepo, mai te mea ra e ua tapoihia outou i te hoê ahu mana te ore roa e puta i te ofai pupuhi e te tea.

E riro ia te *parau mau* ei aratai, ei hoa e ei tauturu, e i reira outou e ite ai i to outou fetiiraa e te Mure Ore, e e moe noa, mai te moemoea te huru, te mau peapea e te mau otoraa o te oraraa nei.

Papaihia e W. G. Jordan.

Te Hopea o te Taata,

O VAI au nei? No hea mai vau nei? I hea e faaea'i tou tere nei ia faarue vau i teie nei ao?

O te reira te tahi mau uiraa ta te taata i hi'opoa i roto i te mau tau i mairi a'enei, e te aâ noa nei â ratou i te taata i teie nei. Ua ite haere te tahi mau taata i te pahonoraa huru au, e te imi noa nei â te tahi pae, area te tahi pae te painu noa nei ratou i roto i te papu ore.

I roto i te hoê o tau aparauraa e te hoê taurearea tei mâtauhia e au, ua hitimahuta vau i te mau parau ta'na i faaite mai no nia i te huru o to'na haapao ore tei aratai ia'na i ro-

to i te mau ohipa ino e rave rahi, e ua ri'ari'a roa vau i te ravea ta'na i rave no te faatiâmaraa ia'na.

Ia'na ra e animala ihoa te taata e tei roto ia'na te tahi mau hiaai te tia roa ia haamahahia ia vai maitai noa te taata; e aita roa oia i ite i te hoê ino ia faatiahia taua mau hiaai ra mai te mea eita te reira e haapeapea i te amuiraa taata.

I muri a'e i to'u hi'opoaraa maitai i te parau a taua tau-rearea ra e te feruri maitairaa i nia i taua vahi ra, ua papu roa ia'u e, te aratai tei hau i te maitai no te faataeraa te taata i te hoê oraraa tura e te maitai, o te iteraa e, e auraa fetii to te tumu o te oraraa nei e te ao taatoa nei. E hau atu te hanahana o to'na oraraa ia titau noa oia i te maitai,

Te hoê taata, o tei hau atu i te mau mea atoa i hamanihia, ua teitei oia i roto i te tino hanahana o Iesu no Nazareta, te *Tamaiti a te Taata*, te *Tamaiti mau a te Atua*.

Teie te hoê faaiteraa no te teitei o te taata, mai tei faaitehia e te papai Salamo.

Ia hi'o vau i te mau ra'i i te ohipa a to rima ra; te mara-ma e te mau fetia ta oe i faaau ra, eaha te taata nei i mana'o mai ai oe ia'na? e ta te taata nei tamaiti i haapao mai ai oe ia'na? I raro iti a'e oia i te mau melahi i te hamaniraahia e oe ra, e ua faakorona oe ia'na i te hinuhinu e te tura! Ua faariro oe ia'na ei tavana i te mau ohipa a to rima, e ua tuuhia e oe te mau mea atoa nei i raro a'e i tana avae; te mau mamoe e te mau nâná puatoro atoa, e te mau puaa atoa o te aru ra; te mau manu o te reva; e te i'á o te tai, tei na te e'a moana i te haere ra! E te Mure Ore, to matou Fatu, ua tei-tei to oe i'oa e ati noa'e te mau fenua atoa nei. Salamo 8:3-9.

Ua haapii papu atoa mai o Paulo e, e roaa mai te hauhana e te mau mana, mai tei faaitehia, i te mau taata atoa, e e auraa fetii to ratou e o Iesu te Tamaiti a te Atua. (Hebera 2:9-11).

Noa'tu e o Iesu te fatu no te ora o te taata, ua haapii ra Oia i te auraroraa'tu na roto i te mau mea ta'na i faaoromai e To'na haereraa i te pohe na roto i te mauini. Na roto i tana haapiiraa hanahana ua faaite Oia i te e'a e noaa'i, i te mau tamarii atoa o te Atua, te tura e te hanahana. Hoê noa iho tumu to te mau varua atoa, oia hoi te Metua no te mau varua o te taata. O Iesu to tatou tuaana, e e mau teina ana'e tatou No'na.

Eaha te hopea o teie nahoa rahi i te ra'i — tei fanauhia e te hoê Metua i te ao varua — tei rave i nia ia ratou te hoê tino tahuti, i onei, **no te tamataraa i te arearea e te mauini**, te oaoa e te oto, te unauna e te ati ? Te pahono maira te Parau mo'a: *Ia tae mai te tahuti ore e te ora mure ore o te taata*. E noaa te tia-faahou-raa, i roto i te tahuti ore, i te mau taa-ta atoa tei ora i roto i te tahuti nei, te feia parau tia e te feia parau tia ore atoa hoi; *mai te taata i hope i te pohe ia Adamu, e hope atoa i te faaorahia i te Mesia*: area ra, o ratou te tamata i te haapao i te ravea ora tei faataahia e te Atua te tia ia farii i te ora mure ore,

Teie te parau i heheuhia ia Aberahama, e te Hoê tei au i te Atua a parau ai Oia i te mau varu tei vai, e Oia atoa, i te ao varua,

E haere tatou i raro, no te mea e area rahi to reira, e rave tatou i te materia ra e e hamani tatou i te hoê ao te tia ia parahihia e ratou. E na roto i te reira e tamata totou ia ratou ia ite e, e rave anei ratou i ta te Fatu, to ratou Atua, e faaue mai ia ratou. E tei tapea i to ratou huru matamua, e amuihia. . . . e tei tapea i te piti o to ratou huru, e farii ia ratou i te hanahana, i nia i to ratou upoo, e a muri noatu. (Buka Poe Tao'a Rahi, Aberahama 3:24-26.)

Ma te hi'opoa i tena heheuraa e te parau a Ioane (1:10)
Ua hamanihia teie nei ao e ana (Iesu Mesia) . . te feia atoa

râ tei ite ia'na, homai ra oia i te mana ra ia ratou ei tamarii na te Atua, e tia ia tatou ia feruri i na faaotiraa e toru:

Hoê: Ua hamanihia e ua faaauhia ei parahiraa no te mau varua e aita ratou i haere hahi noa mai.

Piti: Te piti o te huru ta Aberaeama e parau ra e te tahu-ti i nia i te fenua nei, hoê â ia.

*Toru: O ratou o tei haapao tamau i te mau faaueraa a te Atua te farii i te hanahana mure ore i nia i to ratou upoo, e e noaa atoa ia ia ratou te tiaraa mo'a e *Tamarii Tamaroa e Tamahine* na te Atua i te tino nei e *no reira e ore ai oia e haama ai ia parau mai ia ratou e, e taeae.* (Hebera 2:11.)*

Te vai atura.

TE AMUIRAA I HAO

Ua faatiahia te Amuiraa i te 25 no Setepa i te matahiti 1936. Ua haamatahia i te hora 8 i te poipoi, na roto i te hoê pureraa na te Autahu'araa, na Toma Orometua i faatere, e ua faataahia te mau ohipa no taua mahana ra, oia hoi, i te hora ahuru e tomohia'i te Fare pureraa apî, i te hora piti e pureraa na te Amuiraa e i te hora hitu i te po, e haapiiraa na to Hao.

Te tomoraa i to tatou Fare Pureraa Api.

I te hora ahuru i te avatea ua putuputu to te mau Amaa atoa e te taata atoa i tae mai i nia i te mahora, i mua mau ho i te Fare pureraa, e ua haamatahia te himene, La Marseillaise, e ua hutihia te Reva Farani i nia i te Fare pureraa e i muri iho ua haamatahia te hoê himene e te pure, e i reira ua orero te Tavana mataeinaa i to'na mana'o mauruuru

no te otiraa o teie fare e te huti raa hia o te Reva Farani.

I muri iho ua himenehia e maha himene, na to Hao, Marokau, Hikuera e Amanu, e i reira ua tomohia te fare, na Le ROY MALLORY Peretiteni i tomo matamua, e i muri iho te mau Orometua, te mau Peretiteni Amaa e te taata atoa e rave rahi, e ua faaahia te mau parahiraa e ua tia noa ihora te mau taata. Ua haamatahia hoê himene, pure hia'tura e i muri i te piti o te pure ua tia maira te Peretiteni no te pure haamaitairaa i te fenua e te fare, e i muri iho ua faaroohia te mau a'oraa, e i te otiraa te reira ua himenehia te hoê himene e ua purehia te pureraa no te faaotiraa. E ua na reira atoaia te putuputuraa i te po, i te hora hitu, ua faaterehia te haapiiraa na to Hao, e haapiiraa titeti.

I te mahana maa, te 26, i te hora vau i te po'ipo'i e pure-raa Autahu'araa no te fanuura i te tahi mau taata i te toroa i mua, e te maiti faahouraa i te tahi mau taata no te monorua'tu i te reira e te faataaraa i te tahi mau taata apî i roto i te ohipa. I te hora ahuru ua faaterehia te pureraa na te Amuiraa; e i te hora hitu i te po ua faaterehia te haapiiraa hoho'a na to Marokau e to Amanu. Ua faaterehia te haapiiraa no na Taleni e hoê ahuru; ua iritihia te paruru e ua tia noa maira na potii rii apî e hoê ahuru ma te ahu uouo e ua haapurouhia i te hitihiti, e hoê vahine paari i ropu ia ratou; e mea nehenehe roa taua haapiiraa ra, e te piti, na to Amanu, o te parau ia no na tamarii e hoê ahuru e ma piti a Iakobo. (Genese 49:1-28.) Ua iritihia te paruru e ua parahi maira na tamarii e hoê ahuru e ma piti e te hoê taata o tei faaauhia ia Iakoba. e ua haamaitai ihora i ta'na mau tamarii; e mea nehenehe atoa taua haapiiraa ra.

I te mahana sabati, te 27, ua faaterehia te pureraa Autahu'araa i te po'ipo'i, e i te hora ahuru e pureraa na te Amuiraa: i te hora piti ua faaterehia te pureraa oro'a, e i ro

taua pureraa ra ua fariihia te mau taata toroa faatere, no te Ekalesia, i te ao atoa nei. I te hora hitu i te po, e haapiiraa hohoa no to Hikueru, e ua faaterehia te hoê hohoa maitai no te hoê utuafare o tei roohia e te ati, ua pohe te hoê tamahine i te ma'i, e na roto i te faatahinuraa i ora'i oia; e hohoa maitai roa taua hohoa ra no te haamaruraa i te aau o te taata ia ore ia hitimahuta e ia faarahi i te maniania no te rahi o te oaoa, e na roto i te reira, riro atura ia ei faaturaraa'tu i te mahana sabati.

Papaihia e Tu a Keha.

To tatou taimé ohipa ore.

Te haapii nei te Ekalesia e, te vai nei te taata i nia iho i te hoê paepae avae toru, to te pae varua, to te pae ite e to te pae tino nei, e ia iritihia te hoê o teie nau avae e mairi ia te taata i raro.

O te ohipa rahi roa a'e e vai nei i mua i to te ao nei, e o te taurearea iho mau â, o te haapaoraa i to tatou mau hora faaearea, no te mea i roto i te reira mau hora te rahiraa o te hara e te taparahiraa taata e tupu ai. Te rave nei te taata i te ohipa i na hora e vau, te taoto nei i na hora e vau e te toe nei e vau hora no ta'na mau arearea e i roto i te reira taimé e tia ia'na ia patu i to'na oraraa, no reira ia faatere maitaihia to tatou oraraa e tia'i.

Ua itehia tatou no ta tatou mau haapiiraa maitai no te faatupuraa i te maitai ei tumu no te huru o te taata, tei faarahi i te hapaoraa i te pae faaroo, te haapiraa i te nota upaupa, te himene, te oreroraa parau e te mau ohipa faaetaetaraa tino e na te reira e faarahi i te amui hoê raa o te oraraa nei.

Te haapii nei tatou e, te oaoa nei te Atua i te mau hauti-
raa maitai, mai Ta'na i au i roto i te haamoriraa.

Te pere nei tatou i te pereraa rahi o te ora, e ia perehia te
reira, i to'na mau tufaa atoa, ma te varua parau mau, e ma
te titau i te hanahana o te Atua e te ora o te ao nei.

Papaihia e O. F. Urserbach.

TE MAU PARAU API

Ua faahoro rii i to'na pereoo uira.

Ua faaitehia i roto i te hoê ve'a no te 24 no Setepa i mairi a'enei, ua
faatere te taata ra o Ab. JENKINS i to'na pereoo uira, i roto i na hora e 48
i te tere ra e 148 mile e tiaha i te hora hoê. Na roto i te reira tei ia'na
te rê, no te ao taatoa nei. no te faahororaa i te pereoo uira, mai te 3,000
maile i te atea e tae noa'tu i te 48 hora i te maoro. E Momoni mau taua
taata ra e te opua faahou nei oia i te haru i te mau rê no te mau faahoro-
ra potopoto.

Ua iritihia mai te pene.

I te oire ra o San Jose, Tarafonia, ua iritihia, e te mau taote, hoê pene
tei vai i roto i te arapoa o te tamarii e piti to'na matahiti. No te iritiraa
i taua pene ra, ua tapupu ratou i te reira i roto i te arapoa iho no te iriti
atu i te reira i rapae, e ua manuia roa te mau taote.

Ua poto roa te tereraa.

I to raua faatereraa o RICHMAN e MERRILL i to raua pahi reva, mai
America i Baratane, na nia i te moana, ua pau ia raua e 14 hora e e 40
minute. Ua tere mau â to raua pahi reva no te mea ua iti te 3,000 maile i
te atea te vahi i haerehia e raua.

Ua itoito mau â.

I te oire ra o Quincy, Illinois, te vai nei te hoê vahine itoito mau tei parauhia o Mme Chester A. ANDERSON, e teie te tumu i parauhia'i e e vahine itoito oia.

I te hoê mahana, a rave noa'i oia i te ohipa o te utuafare, aita oia i faaroo faahou i ta'na tamaiti i te hautiraa e to'na hoa iti, tupu ihora to'na mana'o ia haere hi'o e teihea raua. I to'na taeraa mai i rapae i te fare, ite atura oia ia raua, te painu atura raua na nia i te hoê poti i nia i te anavai te Fore River, e aita hoi e hoe to te poti; i reira aita oia i hi'o faahou i te huru, ua ou'a oia i roto i te pape, ma to'na ahu atoa e ua au oia hoê maile i te atea i noaa'i te poti ia'na e i reira ua turai noa oia i te pohi e tae noatu i nia i te fenua.

E vahi nehenehe mau â.

I roto ana'e i te ava'e no Atete i mairi a'enei, ua tae 110,000, hoê hanere e hoê ahuru tauatini taata e mataitai i te vahi tiaraa Hiero i Roto Miti, e e mau taata ia no te mau vahi atoa o te ao nei, no Baratane, no Initia no Niu Zelani, e no Tinito, e ua tahoê ratou atoa i te paraurua e, e vahi nehenehe faito ore mau. E ua faaite atoa hia e, ua taipiti te rahiraa o te taata tei haere mai i to te matahiti i mairi a'enei.

O Utaha tei maitihia.

O te fenua Utaha ta'na i maiti ei nohoraa, a haere mai ai te taata ra o Harry TESHIGORI, a maitihia'i oia, e te hau Japone, no te haereraa i te fenua America no te haapiiraa i te mau peu, te huru o te oraraa, e te mau maa e ravehia nei i taua fenua ra. Te mana'o nei taua taata ra e, ia ite te hoê nunaa i te huru mau o te tahi nunaa e ore ia to raua inoino.

Louis Drollet Gérant

Le Roy Mallory Imprimeur.

Rue Dumont d'Urville, Orovini, Papeete, Tahiti.

Ei
Atuc

raau
paari
tu'a

E
Ua h
ra ra
tai ro
hi'ora
ra, a
ma'i